

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

**2025 во вылӧ да 2026 да 2027 воясса планӧвӧй период вылӧ
Коми Республикаса сьӧмкуд да вот политикаын
медшӧр нырвизьяс йылысь**

Коми Республикаса Веськӧдлан котыр шуис:

1. Ошкыны 2025 во вылӧ да 2026 да 2027 воясса планӧвӧй период вылӧ Коми Республикаса сьӧмкуд да вот политикаын медшӧр нырвизьяссӧ (водзӧ – Сьӧмкуд да вот политикаын медшӧр нырвизьяс) содтӧд серти.

2. Коми Республикаса сьӧм овмӧс министерстволы, Коми Республикаса мукӧд олӧмӧ пӧртысь власьт органлы, кодьяс координируйтӧны да ладмӧдӧны лӧсялана отраслясын (веськӧдлан сфераясын) уджсӧ, 2025 во вылӧ да 2026 да 2027 воясса планӧвӧй период вылӧ Коми Республикаса республиканскӧй сьӧмкуд бала лӧсьӧдӧгӧн кутчысьны Сьӧмкуд да вот политикаын медшӧр нырвизьясӧ.

3. Вӧзйыны Коми Республикаын меставывса асвеськӧдлан органьяслы локтан финансӧвӧй во да планӧвӧй период вылӧ меставывса сьӧмкуд балаяс лӧсьӧдӧгӧн кутчысьны Сьӧмкуд да вот политикаын медшӧр нырвизьясӧ.

4. Лыддзыны вынтӧмӧн «2024 во вылӧ да 2025 да 2026 воясса планӧвӧй период вылӧ Коми Республикаса сьӧмкуд да вот политикаын медшӧр нырвизьяс йылысь» Коми Республикаса Веськӧдлан котырлысь 2023 во йирым тӧлысь 6 лунся 470 №-а шуӧм.

5. Тайӧ шуӧмсӧ олӧмӧ пӧртӧм бӧрся видзӧдны Коми Республикаса Веськӧдлан котырӧн Юрнуӧдысьӧс вежысьлы, кодӧ кывкутана могъяс юклӧм серти видзӧдӧ Коми Республикаса канму сьӧмкуд да вот политика лӧсьӧдан да збыльмӧдан да сьӧмкуд да вот политикалӧн социальнӧй да экономика боксянь сӧвмӧдӧм да экономика сӧвмӧдӧмсӧ ӧддзӧдӧм вылӧ тӧдчан юалӧмъяс серти Коми Республикаса олӧмӧ пӧртысь власьт органьяслӧн удж бӧрся.

6. Тайӧ шуӧмыс вынсялӧ сійӧс примитан лунсянь, 4 пункт кындзи, мый вынсялӧ 2025 вося тӧвшӧр тӧлысь 1 лунсянь.

Коми Республикаса Веськӧдлан котырӧн
Юрнуӧдысьӧс Медводдза вежысь

Э. Ахмеева

Сыктывкар
2024 вося кӧч тӧлысь 24 лун
391 №

ОШКÖМА
Коми Республикаса Веськöдлан котырлöн
2024 во кöч тöлысь 24 лунся 391 №-а шуöмöн
(содтöд)

2025 во вылö да 2026 да 2027 воясья планöвöй период вылö
Коми Республикаса сьöмкуд да вот политикаын
МЕДШÖР НЫРВИЗЬЯС

2025 во вылö да 2026 да 2027 воясья планöвöй период вылö Коми Республикаса сьöмкуд да вот политикаын медшöр нырвизьяссö (водзö – Сьöмкуд да вот политикаын медшöр нырвизьяс) дасьтöма Россия Федерацияса сьöмкуд кодекслöн 172 статья да 184.2 статья (водзö – РФ СК), «Коми Республикаын сьöмкуд система да сьöмкуд процесс йылысь» Коми Республикаса Оланпаслöн 71 статья серти, 2023 воын да 2024 волöн медводдза во джынйын Коми Республикалысь вот рöскöд донъялöмсö да сьöмкуд да вот политика збыльмöдан кывкöртöдьяссö тöд вылö босьтöмöн.

Сьöмкуд да вот политикаын медшöр нырвизьяссö дасьтöгöн тöд вылö босьтöма «2030 воöдз период вылö да водзö 2036 воöдз Россия Федерациясö сöвмöдан национальной медшöр могъяс йылысь» Россия Федерацияса Президентлöн 2024 во ода-кора тöлысь 07 лунся 309 №-а Индöдлысь (водзö – 309 №-а Индöд) да Ортсысянь санкциясöн дзескöдигöн Коми Республикалысь экономика сöвмöдöмсö могмöдан мероприятиеяслöн планлысь положениеяссö, мый вынсьöдöма Коми Республикаса Юралысьöн 2024 вося косму тöлысь 16 лунö.

Сьöмкуд да вот политикаын медшöр нырвизьяслöн медшöр могöн лöö условиеяс индöм, кутшöмъясöс примитöны 2025 во вылö да 2026 да 2027 воясья планöвöй период вылö Коми Республикаса республиканскöй сьöмкуд бала (водзö – республиканскöй сьöмкуд), сийöс лöсьöданногъяс лöсьöдöм могысь, республиканскöй сьöмкудлысь да Коми Республикаса сьöмкуд системаын мукöд сьöмкудлысь медшöр характеристикаяссö да прогнозируйтан параметрьяссö индöм.

**I. 2023 воысь да 2024 вося медводдза во джынйысь
Коми Республикаса сьöмкуд да вот политикаын медшöр кывкöртöдьяс**

2023 во лoис Коми Республикаса финансöвöй системалöн зумыдлунлы нöшта öти тестöн, мый Коми Республикаса Веськöдлан котырлы артмис бура прöйдитны сьöмкуд да вот политикаын медшöр могъяссö олöмö пöртöмöн, сьöмкуд системалысь öтвесьталунсö да ас кадö да тырвыйö став социальной рöскöдсö сьöмöн могмöдöмсö могмöдöмöн.

Коми Республикалöн канму уджйöзыс 2023 воöн чинис 2,3 млрд шайт вылö да 2024 вося тöвшöр тöлысь 1 лун кeжлö лoис 30,4 млрд шайт, либö вот да вотысь öтдор чöжöсысь 30,5%. Республикалöн канму уджйöзлысь тэчассö оптимизируйтöмыс, мый вöсна донaджык рыночной

заимствованиеяссö вежöма федеральной сьöмкудйысь сьöмкуд кредитъясöн, сетіс позянлун чинтыны канму уджйöзсö могмöдöм вылö рöскодсö, мый 2023 воын лоис 0,8 млрд шайт, кор медводз вынсьöдöм ыдждаыс вöлі 1,8 млрд шайт. Россия Федерацияса сьöмкуд кодекслön 107.1 статья серти уджйöзын зумыдлунсö донъялöм бöрын Россияса сьöм овмöс министерство пыртöма республикаöс уджйöзын ыджыд тшупöда зумыдлуна дінмуяс лыдö. 2024 вося сора тöлысь 1 лун вылö Коми Республикалön канму уджйöз ыдждаыс 2024 вося сора тöлысь 1 лун вылö лоис 26,2 млрд шайт. Республиканскöй сьöмкудлön öтувья тшöт вылö кад кежлö прöст сьöмсö пунктöмысь чöжöсыс 2023 вося кывкöртöдьяс серти лоис 1 915,7 млн шайт, а 2024 волön 1 джынйысь – 1 054,6 млн шайт. Таысь кындзи, татшöм сьöмсö öтувья казначейскöй тшöт вылö пунктöмысь 2023 воö сьöмкудйö воис 459,5 млн шайт, а 2024 волön 1 во джынйысь – 238,2 млн шайт. Татшöм ногön, инанлунön веськöдлöм серти удж нуöдöмön республиканскöй сьöмкуд чöжöсö содтöд воис 3 713 млн шайт.

Коми Республикаса канму сьöм овмöс бурмöдан (рöскодсö оптимизируйтан) юалöм серти быд боксянь уджалöм могысь водзö збыльмöдöны Бурмöдан уджтас. Сылысь мероприятиеяссö збыльмöдан кывкöртöдьяс серти öтувья сьöмкуд окталуныс 2023 воын лоис планöвöй значениеысь 108 %, а öнйя во кежлö урчитöм значениеяссö сора тöлысь 1 лун кежлö збыльмöдöма 27,4 % вылö (0,4 млрд шайт).

2023 воын чöжöс серти республиканскöй сьöмкудсö олöмö пöртöма 115,3 млрд шайт вылö. 2022 во серти чöжöсыс чиніс 15,0 млрд шайт вылö, либö 11,5% вылö. Республиканскöй сьöмкудлön рöскодыс лоис 118,6 млрд шайт, мый 2,2 млрд шайт вылö (1,9% вылö) унджык 2022 вося тшупöдысь.

2023 вося кывкöртöдьяс серти республиканскöй сьöмкудсö олöмö пöртöма 3,3 млрд шайт öтувья мындаын дефицитön сэк, кор сылön планöвöй значениеыс 12,2 млрд шайт.

2023 воын Коми Республикаын муниципальной юкөнъяслысь сьöмкудьяссö олöмö пöртöм (öтувтöм мыччöдьяс): чöжöс серти лоис 53,1 млрд шайт (2022 во кежлö содöм – 3,3 млрд шайт вылö, либö 6,6 % вылö); рöскод серти лоис 53,8 млрд шайт (2022 во кежлö содöм – 4,9 млрд шайт вылö, либö 10 % вылö); дефицитыс артмис 0,7 млрд шайт мындаын сэк, кор сылön планöвöй значениеыс 2,7 млрд шайт.

Меставывса асвеськöдлан органъясön муниципальной районъяслысь, муниципальной кытшъяслысь, кар кытшъяслысь, кодьяс кырымалöны Коми Республикаса сьöм овмöс министерствокöд артмöдчöмьяссö «Коми Республикаса республиканскöй сьöмкуд сьöм тшöт весьтö сьöмкуд судзянлунсö öткодьялöм вылö дотацияс сетöмкöд йитчöм öткымын юалöм йылысь» Коми Республикаса Веськöдлан котырлön 2019 во öшым тöлысь 17 лунся 605 №-а шуöм серти, 2024 волön медводдза джынйын кык муниципальной юкөн серти, кодьяс 2023 воын эз пöртны олöмö кырымалöм артмöдчöмьяслысь кöсйысьöмьяссö, кöсйысьöмьяссö олöмö пöрттöмысь 2023 восянь урчитöм финансöвöй кывкутöмсö тöд вылö

босьтөмөн вөдитчөма санкциясөн индөм дотацияссь 1,8 млн шайт өтувья мында вылө чинтөмөн.

Коми Республикаса республиканскöй сьомкудсö вöлі вынсьөдöма вот чöжöс серти воөмьяслөн прогноз подув вылын, кутшöмöс лöсьöдöма Коми Республикаын ФВСВ консервативнöй сценарий вылө подуласьöмөн, мый матын медыджыд дефицитөн дорö 2024 во да 2025 да 2026 вояс планöвöй период вылө 16,4 млрд шайт, 11,9 млрд шайт да 11,2 млрд шайт мындаын лöсьлöмөн.

Кызди и воддза воясö, Коми Республикаысь Россия Федерацияса сьомкудйö воö вот чöжöсысь тöдчана ыдждаыс. Ставнас 2023 воын Коми Республика мутасын вöлі воöма 511,9 млрд шайт вот чöжöс, мый 7,6 млрд шайт вылө, либö 1,5 % вылө, этшаджык 2022 вося тшупöдысь.

На пиысь 108,3 млрд шайт, либö 21,1 %, воис Коми Республикаса өтүвтöм сьомкудйö, мый 6,5 млрд шайт вылө, либö 5,7 % вылө, этшаджык 2022 во серти.

Вотысь чöжöслөн пайыс, мый воис республика мутасысь федеральнöй сьомкудйö, содiс 2022 воын 77,9 %-сянь 2023 воын 78,9 %-öдз.

Колö пасйыны, мый 2023 вося тöвшöр тöлысь 1 лунсянь Россия Федерацияса сьомкуд системалөн сьомкудьяссь медводдзаысь вöлі пöртöма олöмö странаын өтувья вот тшöт (водзö – ÖBT) да өтувья вот мынтöм (водзö – ÖBM) механизм пыртöмөн. Виль системаыс пыртiс тöдчана вежсьöмьяс Россия Федерацияса сьомкуд системалөн сьомкудьясö вот мынтан да вуджöдан графикö да процедураö. Во заводитчигөн вöліны Коми Республикаса өтүвтöм сьомкудйö вот да вотысь öтдор чöжöс воөм серти торья мытшöдьяс, кутшöмьяс йитчöмаöсь ÖBM серти сьомкудьясö вот вуджöдан виль механизм пыртöмкöд да вот органьясөн ÖBT сальдо лöсьöдöмкöд, но 2023 вося мöд джынсянь заводитöмөн серпасыс ставнас зумыдмис.

Таысь кындзи, 2023 восянь Россия Федерацияын бырöдöма вот мынтысьяслөн өтүвтöм котырьяслысь институт (ВМÖК). 2023 – 2025 воясö уджалö недыр кадся вуджан период ВМÖК институт бырöдöмкöд йитöдын, мый серти сьомкудйö веськыда воөмьяс кындзи, вот мынтысьясянь, кодьяс 2023 вося 01.01 лунöдз пырöдчисны ВМÖК, организацияслөн чуктöс вылө вотсö вуджöдöны Коми Республикаса республиканскöй сьомкудйö вторичнöя виль пöв юклöмсö тöд вылө босьтöмөн организацияслөн чуктöс вылө вотысь чöжöсөн. Та дырйи 2023 воын виль пöв юклöма ВМÖК вöвлöм пырöдчысьяслөн чуктöс вылө 80 % вотсö, 2024 воын тайö пайыс чинiс 60 %-öдз, 2025 воын – 40 %-öдз. 2026 воын Россия Федерацияса субъектыяслөн сьомкудьясö ВМÖК вöвлöм пырöдчысьясянь чуктöс вылө вотысь чöжöс воөмсö оз виччысьны.

2023 воысь Коми Республикаса өтүвтöм сьомкудйö воис 115,4 млрд шайт вот да вотысь öтдор чöжöс, мый 6,5 млрд шайт вылө, либö 5,4 % вылө, этшаджык 2022 во серти. Та дырйи вот да вотысь öтдор чöжöслөн өтувья мындаын вотысь чöжöслөн пайысь лоис 93,8 %.

Вотысь чөжös лöсьöдан медшöр öшмöсьясöн важ мозыс кольöны организацияслöн чуктöс вылö вот – 34,1 %, торъя йöзлöн чөжös вылö вот – 30,6 %, эмбур вылö вот 26,2 %.

Вотысь чөжöсыс чинис организацияслöн чуктöс вылö вот серти воöмьяс чинöм вöсна – 11,9 млрд шайт вылö, либö 24,4 % вылö. Вот воöмьяслöн чинöмын медшöр помкаыс сыын, мый мусир вылö шöркoдь донъяслöн чинöм, Россияысь экспортируйтан мусир вылö доньяс вылö дзескöдöм (медыджыд тшупöд) пыртöм, биару экспортируйтöм чинтöм, логистика вылö öтувья рöскoд содöм, а сідзжö кольöм во заводитчигкежлö ÖBT вылö содтöд мынтöм содöм вöсна организацияслöн, кодьяс 2023 вося тöвшöр тöлысь 1 лунöдз пырöдчисны ВМÖК (сы лыдын кодьяс перйöны мусир да биару), чинöма вот базаыс.

Такöд öттшöтш Коми Республикаса öтувтöм сьöмкудйö унджык воöма торъя йöзлöн чөжös вылö вотыс. Торъя йöзлöн чөжös вылö воан вот ыдждаыс лоис 33,1 млрд шайт, мый 2,9 млрд шайт вылö, либö 9,6 % вылö, вевтыртö 2022 вося тшупöдсö. Тайö лöсялö республикаын индöм удждон содан öдлы.

Сідзжö 2022 вося тшупöд серти унджык воöма эмбур вылö вотыс, мый 2023 воын воöма 28,3 млрд шайт ыдждаын, мый 2,2 млрд шайт вылö, либö 8,5% вылö, унджык кольöм вося тшупöд серти. Ёнджыкасö унджык воöма организацияслöн эмбур вылö вотыс – 2,2 млрд шайт вылö, либö 9,3 % вылö, медшöр вот мынтысь серти медшöр средствояслысь донсö выль пöв донъялöмкöд йитöдын.

Республикаса öтувтöм сьöмкудйö вотысь чөжös медшöр мынтысьясöн кольöны мусир-биару да вөр отрасльясса организацияс.

Вотысь öтдор чөжöсыс воис 7,1 млрд шайт öтувья мындаын, мый 38,1 млн шайт вылö, либö 0,5 % вылö, этшаджык кольöм во серти.

2024 вося сора тöлысь 1 лун вылö меставывса сьöмкудьясö воöма 7,7 млрд шайт мында вот да вотысь öтдор чөжös, мый 0,6 млрд шайт вылö, либö 9,0 % вылö, унджык 2023 вося татшöм жö период серти.

Вотысь чөжös воöма 6,9 млрд шайт, мый 0,6 млрд шайт вылö, либö 8,8 % вылö, унджык 2023 вося татшöм жö период серти. Медьёна содöма торъя йöзлöн чөжös вылö вотыс 0,4 млрд шайт вылö, либö 9,6 % вылö.

2024 вося сора тöлысь 1 лун вылö вотысь öтдор чөжöсыс воöма 0,8 млрд шайт öтувья мындаын, мый 78,4 млн шайт вылö, либö 10,7 % вылö, унджык 2023 вося татшöм жö период серти. Медьёна содöмаöсь штрафьяс, санкцияс, ущерб вештöм серти 65,8 млн шайт, либö 2,1 пöв.

2024 волöн медводдза джынйын Коми Республикаса республиканскöй сьöмкудйö вот да вотысь öтдор чөжöсыс воöма 0,9 млрд шайт вылö, либö 1,9 % вылö, унджык кольöм вося татшöм жö периодын сьöм воöмьяслöн тшупöд серти.

Сьöм воöм серти бур вежсьöмьясыс петкöдчöныс и НДСФЛ серти, öнiя волöн 6 тöлысьысь Коми Республикаса республиканскöй сьöмкудйö мыйлöн воöмыс содöма 1,3 млрд шайт вылö, либö 13,6 % вылö.

Сідзжэ кольом вося татшом жэ период серти унджык вома сьомкудйын кад кешлэ прэст сьом пуктэмысь чэжэс серти сьомыс 0,5 млрд шайт вылэ, либэ 2,0 пэв.

Такэд эттшэйт этшаджык вома сьомыс организацияслэ чуктэс вылэ вот серти 0,5 млрд шайт вылэ, либэ 2,1 % вылэ. Сьомыс вома этшаджк мусир да биару сектэса организацияслэ лэк макрэкономическэй петкэдласяс вэсна (биару перьян, экспортлэ ыджда, мусир да биару вылэ шэркодэ доньяслэ чинэ), а сідзжэ вот мынтысяс тшэт весэте, кодяс 2023 вося 01.01 лунэдз пырэчисны ВМЭК.

Таысь кындзи, этшаджык вома организацияслэ эмбур вылэ вотыс – 0,5 млрд шайт вылэ, либэ 4,4 % вылэ, мупытшкэсса озырлун перйэс вылэ вот серти – 0,2 млрд шайт вылэ, либэ 56,7 % вылэ.

Коми Республика мутасын водзэ уджалэ «Уджсикасын чэжэс вылэ вот» вот перьян торья режим, мый сетэ позянлун «ас вылэ уджалысь» гражданы оланпасавны ассыныс предпринимателескэй уджэ этша сьом видзэмэ да нуэдни сйэс водзэ медся кокни да абэ сьэкид режимын. 2023 вося эшым тэлысь 31 лун вылэ ас вылэ уджалысь граждэнэ лыдыс лэис 27,9 сурс морт, 2024 вося ода-кора тэлысь 31 лун вылэ – 32,0 сурс морт, мый 1,7 пэв вевтыртэ 2022 вося кывкэртэдысэ. Ас вылэ уджалысь граждэнэ лыдыс водзэ содэ.

Сы могысь, медым ышэдни кар (муниципальнэй) кытшысса да муниципальной районясса муниципальной юкэнясэ, кодяс примитэны меставывса сьомкудйын чэжэс база содтан мераяс, 2023 вося кывкэртэдыс серти содтэ доньялэма налысь уджэ, мый бэрын 2024 воын 40 млн шайт этувья ыдждаын грантысэ вуджэдома татшом муниципальной юкэняслы, кодяс веськалэсны вит медбур муниципальной юкэс лыдэ: «Сыктывкар» КК, «Удора» МР, «Койгорт» МК, «Мылдін» МР, «Сосногорск» МР.

2023 да 2024 воасын республиканскэй сьомкудйысь медуна сьомсэ видзэны велэдом, йэзлысь дзоньвидзалун видзэ да социальнэй политика вылэ. Индом сфераасын могяс олэмэ пэртэс вылэ веськэдом этувья сьом ыдждаыс лээ став сьомкуд рэскэдысь 70 % гэгэр. Коми Республикаса этувтэс сьомкудйын удждэс вылэ да уджысь мынтысьсэ серти мынтэмьяс дорэ содтэдыс вылэ рэскэдлэ пайыс кольэ ыджыдэс – 35 – 40 % гэгэр. Сідзжэ тэдчана пай бэстэны социальнэя могмэдом вылэ мынтэмьяс (кытэ пыртэма медицинскэя бытэ страхуйтан сфераын мероприятияс сьомэс могмэдом – водзэ МБС) – 20,7 % да ладмэдан (кокнэдом) тарифясэс водитчэмкэ йитэдын ресурсясэс могмэдысь организацияслы воштэ чэжэс компенсируйтэ (мый сідзжэ лээ социальнэй рэскэдэс) – 3 %. Индом лэсялэмьясыс, этэ боксянь, висэталэны сы йылысь, мый ёнджыкасэ дінму сьомкудэсэ веськэдома социальнэй могяс вылэ, а мэд боксянь, сы йылысь, мый медшэр, бытэ колана рэскэдлэс тэдчана пай вэсна абэ позянлуныс эдйэ веськэдны сьомсэ мукэс мог вылэ.

2023 воын водзö нуöдöма Россия Федерацияса Президентлöн тшöктöмъяс серти сьöмкуд сфераын торъя категория уджалысьяслы уджысь мынтысян тшупöд да Коми Республикаын шөркодь удждон тшупöд костын воöдчöм лöсялöмлысь вежсытöмлунсö могмöдан уджсö.

Сьöмкуд сфераын уджалысьяслы уджысь мынтысян фондяслөн во чöж шөркодья содан öдьясыс лоисны 107,3 %, 2023 воын Коми Республикаын уджысь тöлысья шөркодь чöжöс содан збыльвывса öдыс – 113,0 %.

2023 воын удждонлөн торъя мога петкöдласьясöдз воöдчöм могысь республиканскöй сьöмкудйысь вöлі вичмöдöма 2,4 млрд шайт мындаын содтöд сьöм. 2023 волөн кывкöртöдьяс серти сьöмкуд сфераын торъя категория уджалысьяслөн удждон петкöдласьясöдз воöдчыны кöсйöны лоны вермана вит прöчента торъялöм серти (Коми Республикаын уджысь тöлысья шөркодь чöжöслөн прогнознöй петкöдлас серти). Такöд öттшöтш öтув велöдан педагогьяс, врачьяс, шөр медицина персонал, культура учреждениясын уджалысьяс, бать-мамтöм челядылы учреждениясса педагогьяс, вылыс тшупöда уджсикасö велöдöмын преподавательяс серти петкöдласьясыс артмисны урчитöмаясысь этшаджык.

Могмöдöма уджысь мынтысян медичöт мында (водзö – МРОТ) кыпöдан юкöнын уджысь мынтысьöмын медичöт гарантиясысь содöмсö Ылі Войвыв районьясын да накöд öткодялöм местаясын удждон дорö районнöй коэффицент да прöчента надбавкаяс тöд вылö босьтöмөн. Таысь кындзи, федеральнöй тшупöдын примитöма 2023 вося тöвшөр тöлысь 1 лунсянь 6,3 % вылö да 2024 вося тöвшөр тöлысь 1 лунсянь 18,5 % вылö МРОТ кыпöдöм йылысь помшуöм. Таысь кындзи, овны судзяна сьöм ыдждалунсö вöлі кыпöдöма 2023 вося тöвшөр тöлысь 1 лунсянь 3,3 % вылö (2022 вося сора тöлысь 1 лун серти) да 2024 вося тöвшөр тöлысь 1 лунсянь 5,3 %. Коми Республикаын овны судзяна сьöм мында кыпöдöм вöсна содiсны мукöд пособиеыс да мунтöмыс.

Геополитикаын сьöкыд серпаскöд йитöдын 2023 воын вичмöдöма республиканскöй сьöмкудйысь (сы лыдын федеральнöй сьöм öтув сьöмөн могмöдöм серти) содтöд сьöмкуд ассигнованиесö санкцияс дырйи экономикалы отсалан мераяс вылö да торъя военнöй операцияын участвуйтысьяслы, а сiдзжö налөн семьяясö пырысьяслы, отсалан мераяс вылö ассигнование содтöм вылö.

Сiдзжö 2023 воын республиканскöй сьöмкудйысь тöдчана содтöд сьöм вöлі веськöдöма 17 арöсöдз челядя ичöт нажöткаа семьясылы да нöбасысь аньяслы универсальнöй быдтöлысья пособие мынтöм серти рöскод сьöмөн öтув могмöдöм вылö «Челядя гражданады канмусянь пособиеяс йылысь» 1995 во ода-кора тöлысь 19 лунся 81-ФЗ №-а Федеральнöй оланпас серти, а сiдзжö МБС системаын уджалысь учреждениясысь нюзöдöм кредиторскöй уджйöз бырöдöм вылö, ськöд йитöдын, мый МБС федеральнöй фондлөн сьöмкудйысь субвенцияыс оз тырмыны, кутшöмъясöс веськöдöма МБС мутас фондяслөн сьöмкудьясö Россия Федерацияса субъектысысь рöскод кöсйысьöмьясö, кутшöмъяс

артмёны тайё сфераын сетём уджмогъяссö збыльмөдигөн, сьомён могмөдём былö.

Олысьяслы, челядя семьяяслы, а сідзжö торъя военной операцияын участвуйтысьяслы социальнöя отсалан мераяс, сы лыдын выльяс, сетан мероприятиеяссö водзö збыльмөдöны 2024 воын.

2024 вося төвшөр төлысь 1 лунсянь Коми Республикаын челядь чужан лыдсö содтём да аборт лыд чинтём могысь примитöма татшöм социальнöя отсалан мераяс:

1. Кыпөдöма нöбасьысь аньяслы сёян-юан нёбöм былö быдтöлысся пособие мындасö 1 сюрссянь 10 сюрс шайтöдз.

2. Кыпөдöма гöля олысь семьясысь нёньöдчысь аньяслы быдтöлысся пособиесö 1 сюрссянь 10 сюрс шайтöдз.

3. Кыпөдöма дінму семейнöй капиталлысь мындасö 150 000 сюрс шайтсаянь 300 000 сюрс шайтöдз – 2024 вося төвшөр төлысь 1 лун бöрын медводдза, коймөд кага либö водзö челядь чужтигөн (пи (ныв) пыдди босьтигөн), а сэк, кор медводдза кагасö чужтöма (босьтöма пи (ныв) пыдди) 24 арöсöдз бөрьясö пыртёмөн ань (мужичöй) – 500 000 шайтöдз.

4. Урчитöма медицина уджалысьяслы содтöд ышöдан мынтöмьяс.

Социально-экономическöй серпасын вежсьöмьяс былö öдйöджык реагируйтём могысь вöлі тöдчымөн паськөдöма Коми Республикаса Веськөдлан котырлөн резервнöй фондсысь сьомкуд сьом резервируитан механизмөн вöдитчöмсö. 2023 воын Коми Республикаса Веськөдлан котырлөн резервнöй фонд тшöт весьтö сьомён могмөдём рöскөдлөн збыльвывса ыдждаыс лоис 5,7 млрд шайт. 2024 во былö Коми Республикаса Веськөдлан котырлөн резервнöй фондлөн планöвöй ыдждаыс сійöс содтём йылысь 2024 вося медводдза во джынйын примитём помшүөмьяссö тöд былö босьтёмөн лоис 2,9 млрд шайт.

Коми Республикаын инвестиционнöй да промышленнöй политикалысь окталунсö кыпөдём могысь збыльмөдöны татшöм мероприятиеяс:

инфраструктура объектяс стрöйтём (выльмөдём), инженерно-техническöя могмөдан везьяс дорö йитём (технологическöя йитём) былö öтувья рöскөдсö бергөдём сы могысь, медым збыльмөдны выль инвестиция проектяс, кутшöмьясöс Россия Федерацияса Веськөдлан котыр урчитöма Россия Федерацияса Веськөдлан котырлөн 2020 во йирым төлысь 19 лунся 1704 №-а шуём да Россияса экономика сөвмөдан министерстволөн 2023 во ода-кора төлысь 25 лунся 349 №-а тшöктöд серти, кутшöмöс вермасны босьтны Коми Республикаса 12 выль инвестиция проект. 2023 воын татшöм öтувья рöскөдсö бергөдём былö республиканскöй сьомкудйысь вöлі веськөдöма 145,4 млн шайт;

2023 воын выль пöв заводитісны кырымавын дінму тшупöдын торъя инвестиция контрактяссö (водзö – ТИК) Россия Федерациялөн пырöдчытөг (ТИК 1.0) Коми Республикаса Веськөдлан котырлөн 2017 во вöльгым төлысь 30 лунся 627 №-а шуёмөн урчитём пöрадокын (2023 во рака төлысь 23 лунся редакцияын);

Россия Федерацияын дінму сөвмөдөм серти Вєськөдлан котырлөн комиссияса президиум (штаб) ошкөмөн шуис збыльмөдны Коми Республикаса инфраструктура объектяс лөсьөдан нель проект – 2026 воөдз ставнас 3,4 млрд шайт вылө транспорт, социальной, инженерной инфраструктура стрөитөм;

нюжөдөма Коми Республика мутасын инвестиция вот бергөдан механизмсө 2025 вося өшым төлысь 31 лунөдз, а сідзжө урчитөма телекоммуникация сфераын уджалысь организацияслы сыөн вөдитчан инөдсө;

пыртөма Коми Республика мутасын вот перьян патентной системаө вежсьөмьяс (стөчмөдөма ас вылө уджалысьөн ашпөр уджлөн 19 сикас серти вося чөжөс босьтны вермана ыдждалунсө);

нюжөдөма 2023 воөдз торья социальной категория гражданагы, сы лыдын торья военной операцияын участвуытысьяслы да уна челядя семьяяслы, транспорт вот серти вот кокньөдьяс;

водзө уджалө лэдзөм сьом видзөм да найөс пуктыны ышөдөм йылысь артмөдчөмьяслөн (водзө – ЛСВЫА) пөрадокыс сы могысь, медым лөсьөдны инвестиция проектяс збыльмөдан бур условиеяс;

пыртөма Инвесторьяскөд өтув уджалан дінму инвестиционной стандартлысь став 5 быть колана элементсө (инвестиционной декларация, сөвмөдан агентство, инвестиционной комитет, инвестиционной правилөяслөн свод, дінмулөн инвестиционной карта);

Коми Республика мутасын Россия Федерациялөн Арктика зонаса резидентьяслы уджалөны татшөм вот кокньөдьяс: чинтөма организацияслөн чуктөс вылө вотсө, мый колө вештыны республиканской сьөмкудйө (5 % мындаын вот перьян вит период чөжөн вот перьян периодсянь заводитөмөн, кор вөлі босьтөма уджалөмысь медводдза чуктөссө, да 10 % водзө мунысь вот перьян вит период чөжөн); мездөма организацияслөн эмбур вылө вот мынтөмысь; ВПКС вөдитчигөн урчитөма ичөт вот ставкаяс (1 % сэк, кор вот перьян объектөн лоө чөжөс, да 5 %, сэк, кор вот перьян объектөн лоө чөжөс, кытысь чинтөма рөскодлысь ыдждалунсө); «Воркута» КК, «Инта» МК, «Усинск» МК да «Чилимдін» МР нормативной инөда актясөн урчитөма му вылө вот мынтөмысь мездөм;

«Емва» водзынджык сөвмысь мутасса резидентьяслы вот кокньөдьяс сетөмөн канмусянь отсөгсө (организацияслөн эмбур вылө вот 0 % (пыр кежлө ставкаыс 2,2 %); чуктөс вылө вот (0 % – медводдза 5 во чөж, 10 % – 6 восянь 10 воөдз (пыр кежлө ставкаыс 20 %); му вылө вот 0 % (пыр кежлө ставкаыс 1,5 %), нюжөдөма 2029 воөдз, страхуйтан взносяслөн ичөт тарифьясөн вөдитчыны резидентлысь статус босьтигөн 2024 вося өшым төлысь 31 лунөдз бөрьясө пыртөмөн.

Коми Республикаса Вєськөдлан котыр 2023 во чөжөн, а сідзжө 2024 волөн медводдза во джыныйн пыртөма Коми Республика мутасын уджалысь овмөс нуөдысь субъектыяслы канмусянь отсөг вылө вєськөдөм өткымын содтөд мера, сы лыдын сы могысь, медым чинтыны вот

нагрузкасö:

2025 во помöдз кольöма ВПКС чинтöм вот ставкаяссö (сэк, кор вот перьян объектöн лоö чöжös: 3 % 2020 – 2024 вояс вылö, 4 % 2025 во вылö; сэк, кор вот перьян объектöн лоö чöжös, кытысь чинтöма рöскod ыдждалунсö: 7,5 % 2020 – 2024 вояс вылö, 10 % 2025 во вылö);

Коми Республикаса канму эмбурö пырысь овтöм жырьясөн вöдитчöмысь वोся кöртымалан дон ыдждалуныс социальной предпринимательяслы абу вежсьöма да лоис вонас 1 кв. метрысь 554 шайт;

урчитöма 2023 वोсянь 2027 воöдз бöрьясö пыртöмөн ВПКС чинтöм вот ставкаяссö (1 % «чöжös» вот перьян объектöн да 5 % «чöжöсысь чинтыны рöскod» вот перьян объектöн) социальной предприятиеяслы, кутшöмьясös социальной предприятиеясөн шуöм йылысь тöдмөгьяссö пыртöма лöсялана вот перьян периодөн лoысь волөн öшым тöлысь 31 лун вылö ичöt да шöр предпринимательство субъектыяслөн öтувья реестрö (водзö – ИШП).

«Россия Федерацияса субъектыяслысь да муниципальной юкөнъясылысь вот рöскodсö донъялöм дорö öтувья корöмьясö вежсьöмьяс пыртöм йылысь» Россия Федерацияса Вөськöдлан котырлөн 2022 во лöддза-номья тöлысь 15 лунся 1081 №-а, «Россия Федерацияса Вөськöдлан котырлөн öткымын актö вежсьöмьяс пыртöм йылысь» Россия Федерацияса Вөськöдлан котырлөн 2022 во öшым тöлысь 9 лунся 2272 №-а шуöмьяс серти 2024 волөн мöд джынйын планируйтöма вот преференциясылысь да кокньöдъясылысь вынсö нюжöдан юкöнын нормативнöй-инöда база вильмöдöм, а сідзжö Коми Республикаса вот рöскodлысь окталунсö донъялан методологиясö да Коми Республикаса вот рöскodлысь лыддьöг лöсьöдан пöрадоксö бурмöдöм серти удж.

Сы могысь, медым кыпöдны республиканскöй сьöмкуд сьöм видзан бöртаслунсö да окталунсö, 2023 воын да 2024 वोся медводдза во джынйын сідзжö вöчöма татшöм удж.

Пыртöма дінмуын канму уджтасьяс збыльмöдöм серти виль уджаланногьяс. Примитöма виль нормативнöй инöда да методическöй база: Коми Республикаса канму уджтасьясөн вөськöдлан система йылысь положение, мый вынсöдöма Коми Республикаса Вөськöдлан котырлөн 2023 во кöч тöлысь 25 лунся 454 №-а шуöмөн, да Коми Республикаса канму уджтасьяс дасьтöм да збыльмöдöм серти методика боксянь индöдьяс (Коми Республикаса экономика сöвмöдан, промышленность да транспорт министерстволөн 2023 во йирым тöлысь 25 лунся 454 №-а, Коми Республикаса сьöм овмös министерстволөн 2023 во йирым тöлысь 25 лунся 227 №-а öтувья тшöктöд). Та дырйи вөськöдлан системасö синхронизируйтöма Россия Федерацияса канму уджтасьясөн вөськöдлан федеральной системакöд:

канму уджтасьяс збыльмöдан кадколастьяссö вöлі нюжöдöма 2030 воöдз;

канму уджтасьяслөн лыддьöгö, кутшöмös вынсöдöма Коми Республикаса Вөськöдлан котырлөн 2011 во лöддза-номья тöлысь 30 лунся

252-р №-а тшөктөмөн, содтома кык выль канму уджтас, кутшөмъясөс 2024 восянь збыльмөдөны комплексной уджтасъяс статусын;

Коми Республикаса канму уджтасъяслысь тэчассö, петкөдласъяс пыртөмөн, лөсьөдөма федеральной да республиканской стратегической документъяссö тöд вылö босьтөмөн, «Россия Федерацияса субъектъяслөн медвылыс чина йöзлөн (медвылыс олөмö пöртысь канму власът органъясөн юрнуöдысьяслөн) уджлысь да Россия Федерацияса субъектъяслөн олөмö пöртысь власът органъяслөн уджлысь окталунсö донъялөм йылысь» Россия Федерацияса Президентлөн 2021 во урасьом төлысь 4 лунся 68 №-а Индөдөн;

2024 восянь Коми Республикаса канму уджтасъяссö вуджөдөма электронной форматö, республикаса канму уджтасъяссö збыльмөдөны да мониторингöны «Электронной сьомкуд» öтйöза сьом овмөсөн веськөдлан канму öтувтөм юöртан системаса «Россия Федерацияса субъектъяслөн канму уджтасъясөн веськөдлөм» системаулөн вöдитчөмөн;

Коми Республикаса канму уджтасъяслөн тэчасын торйөдөма проектной (национальной проектъяс серти 44 дінму проект, 11 верктуя дінму проект, 66 ведомственной проект) да процессной (процессной мероприятиеяслөн 116 комплекс) юкөнъяс.

2023 воын национальной проектъяс збыльмөдөм вылö веськөдөм öтувъя сьом ыджаыс лоис 13,0 млрд шайт, сы лыдын федеральной сьомкуд сьом тшöт весьтö 5,1 млрд шайт. 2024 воын найöс збыльмөдөм вылö урчитöма 10,7 млрд шайт, сы лыдын федеральной сьомкуд сьом тшöт весьтö 3,8 млрд шайт. Та дырйи 2023 волөн медводдза джынйын лои видзöма 32,9 %, а 2024 вося татшөм жö периодö – 37,5 %, либö 4,0 млрд шайт, сы лыдын федеральной сьомкуд сьом тшöт весьтö 1,7 млрд шайт.

Сьомкуд сьомсö абу торъя мог вылö видзöмысь öлөдөм могысь вöдитчöны канму контрактъяс серти казнаысь сьомөн вöдитчан механизмөн. РФ СК 242²⁶ статья серти республиканской сьомкуд йылысь Коми Республикаса оланпасъясөн 2023 восянь заводитөмөн урчитöны казнаысь сьомөн вöдитчөм йылысь норма да сыын индöма сьом лыддьöг, мый сетöны республиканской сьомкудйысь, мыйөн вöдитчөм бöрся колö татшөм ногөн видзöдны.

2022 – 2023 воясын водзö нуөдöны дінмуын закупкаяс öтутан тшупöдсö кыпöдөм серти водзвыв урчитөм уджсö, мый сетö позянлун чинтыны закупкаяс серти торкөмъяслысь лыдсö, кутшөмъясöс заказчикъяс нуөдöны асьныс. Таысь кындзи, öтутөм закупкаяслөн венны позьтөм бурлунөн лоö нуөдан процедураыслысь юридической ногтуйсö кыпöдөм, закупкаяс сфераын квалифицируйтөм специалистъяслысь уджсö оптимизируйтөм да лотъяссö медбура лөсьөдөм отсөгөн сьомкуд сьомсö видзтөм. 2022 вося кывкөртөдъяс вöчигөн 2023 воын Коми Республика пырис канму закупкаясын конкуренция тшупөд серти странаса медбур 12 дінму лыдö. Водзö нуөдöны öтчукöра закупкаяс серти практикаөн вöдитчөмсö паськөдөм серти удж, кутшөмъясöс нуөдигөн 2023 воын дінму тшупöдын видзтöма 13,9 % да 15,7 % – муниципальнойын, мый 2,7 да 1,3

пöв унджык 2022 вося экономя серти. 2024 вося I кварталлön бöртасьяс серти нуöдöм öтчукöра закупкаяслön кывкöртöдьяс серти видзтöма 0,9 млн шайт, либö 19,0 %, дінму тшупöдын да 4,5 млн шайт, либö 10,2 %, муниципальной тшупöдын.

Коми Республикаöс цифрöвöя трансформируйтан уджтас збыльмöдöм серти пыртöма уджö закупкаяс сфераын дінму юöртан система, мый могмöдö закупкаяс нуöдан процесслысь тыдаланлунсö, сетö позянлун видзöдны сы бöрся да автоматизируйтö верктуя нырвизьяс вылö артмöм видзтöмön вöдитчöм серти помшүöмьяссö. Сідзжö сетö позянлун содтыны закупкаяс öтувтöмсö, мый сетö позянлун этшаджык видзны республиканскöй сьöмкудйысь сьöмсö лотьяс ыдждöдöм отсöгön, чинтыны продовольственной торгьяс серти доньяслысь асимметриясö, чинтыны закупка нуöдан процессын заказчикьясön вöчан öшыбкаяслысь лыдсö, öткодья гөгöрвоны закупкаяс сфераын оланпастэчассö, лöсялöмön, чинас норасьöмьяслön лыдыс. 2023 воын Коми Республикаöс вöлі пасйöма «РОСТ» канму, муниципальной да корпоративнöй торгьяс юкöнын организацияслön да специалистьяслön ассоциациясьнь грамотаön закупкаяс сфераын дінму юöртан системаяс цифровизируйтöм серти рейтингын медводдза позициясысь.

Канму да муниципальной услугаыс сетан ногтуйсö кыпöдöм, гражданаön канму да муниципальной услугаыс босьтан процессö оптимизируйтöм могысь «УМШ» КР КАУ водзö пырöдчö Коми Республика мутасын услугаыс 24/7 форматö вуджöдан концепция збыльмöдöмö. Та дырйи сетан услугаыслön лыдыс содöма онас 9,7 % вылö да 2024 во заводитчигкежлö лöма 406 услуга.

Коми Республика РФ СК урчитöм «тыдаланлун (восьсалун)» да «сьöмкуд процессö гражданалön пырöдчан» принципьяссö збыльмöдöм могысь водзö шедöдö тöдчана бöртасьяссö. Сідз, 2022 да 2023 воясья кывкöртöдьяс серти Коми Республикаöс вöлі пасйöма кыдзи сьöмкуд мыччöдьяслön ыджыд тшупöда восьсалуна дінмуöс. А Россия Федерацияса субъектыасын да муниципальной юкөнъясын сьöмкудйын водзмöстчöмсö сöвмöдан медбур практикаыс йылысь докладын вöлі пасйöма Коми Республикалысь медбур опытсö: республика уна сикас тшупöда муниципальной практика лыд серти дінмуяс пöвстын витöд, проектьясön вöдитчысь благополучательяс пай серти нельöд, сідзжö пасйöма водзмöстчöмön проектяс збыльмöдöмын медводдза опыт. 2023 воын гражданалön пырöдчöмön артмис пöртны олöмö сьöмкудйын водзмöстчöм серти 631 проект (мероприятие), ставнас сьöмön могмöдöма 561,2 млн шайт вылö. Гражданаön да ИПП тайö проектьясын сьöмön пырöдчöмыс лоис 29,8 млн шайт, а республиканскöй сьöмкудйысь сьöмön öтув могмöдöмыс – 483,8 млн шайт. Та дырйи медводдзаясь збыльмöдöма 20 водзмöстчан проект «Коми Республикаын водзмöстчан проектяс йылысь, кутшöмьясöс вöзйöны Коми Республикаса республиканскöй сьöмкудйысь мукöд сьöмкудкостса трансферт тшöт весьтö сьöмön отсöг босьтöм вылö» Коми Республикаса Веськöдлан котырлön 2022 во öшым

тöлысь 14 лунся 628 №-а шуöм серти. 2024 воын республиканскöй сьöмкудйын гражданалясь водзмöстчöмьяссö збыльмöдöм выlö муниципалитетьяслы сьöмön отсöгсö урчитöма 516 млн шайт мындаын, мый 6 % выlö унджык 2023 во серти, сы лыдын Войтырлön сьöмкудлысь выль верктуя нырвизь сьöмön могмöдöм тшöт весьтö – вузасян сфераын.

II. 2025 во выlö да 2026 да 2027 воясся планöвöй период выlö Коми Республикаса сьöмкуд да вот политикаын медшöр нырвизьяс

Россия Федерацияöс сöвмöдöмын выль национальной медшöр могьяслön петкöдласьясöдз, кутшöмьясöс урчитöма матысса кад кежлö, воöдчыны коланлун дырйи öтвесьталунсö да зумыдлунсö могмöдöм лоö Коми Республикаса сьöмкуд система водзын медыджыд могön да сьöкыдлунön. Такöд йитöдын 2025 во выlö да 2026 да 2027 воясся планöвöй период выlö сьöмкуд да вот политикаын медшöр нырвизьяссö лоö веськöдöма да могмöдöма:

республиканскöй сьöмкудйын да меставывса сьöмкудьясын вотысь да вотысь öтдор чöжöс содан условияс видзöмön;

республиканскöй сьöмкудлön рöскодлысь содöмсö кутöмön, кутшöмös абу могмöдöма чöжöс содöмön да (либö) рöскодсö оптимизируйтöмön;

Коми Республикаса öтйöза сьöм овмöсön веськöдлан системасö бурмöдöмön;

Коми Республикалысь канму уджйöз ыдждасö безопаснöй тшупöдын видзöмсö да республиканскöй сьöмкудлысь инанлунсö могмöдöмön.

2025 – 2027 вояс выlö Коми Республикаса вот политикаын медшöр нырвизьясön кольöны экономика сöвмöдöмын индöм öдсö могмöдöм, дінму мутасын инвестиция уджö ышöдöмön, вот нагрукасö оптимизируйтöмön, абу окталуна вот кокньöдьяс бырöдöмön Коми Республикаса öтүвтöм сьöмкудлысь чöжöс кыпöдöм выlö чöжöс позянлуньяссö олöмö пöртан окталунсö кыпöдöм серти збыльмöдан нин мераяс, сы лыдын:

2025 вося тöвшöр тöлысь 1 лунсянь вот базасö, кутшöмös индöма кыдзи эмбурлön вося шöркодь дон, судоходнöй да портöвöй гидротехнической сооруженияс, кутшöмьясöс босьтöма тöд выlö тайö объектьяслön балансöвöй доньин, стрöитöм, выльмöдöм да (либö) öнъяöдöм выlö помöдз лэдзöм сьöм öтүвья мында выlö чинтöмön вот преференциясö нюжöдöмön, мый урчитöма Россия Федерацияса вот кодекслön 376 статьяса 6 пункт серти 2024 вося тöвшöр тöлысь 31 лунöдз вына кадколаст выlö;

организацияслы, кодьяс уджалöны юöртан технологияс юкöнын, 2025 – 2027 вояс выlö ВПКС серти чинтöм вот ставкаяслысь вынсö нюжöдöмön (1 % мындаын сэк, кор вот перьян объектön лоö чöжöс, да 5 % мындаын сэк, кор вот перьян объектön лоö чöжöс, кытысь чинтöма рöскод

ыдждалунсö);

дінму вот оланпастэчас серти овмös нуöдысь субъектыяслы, кодъяс уджалöны Коми Республика мутасын, вот серти зумыд условиеясön могмöдöмön;

кырымалöм ТИК серти вот кокньöдъяс да преференцияяс водзö сетöмön да инвестиция вот бергöдöмön вöдитчöм вылö инöд сетöмön;

ИШП субъектыяслы водзö отсöг сетöмön, сы лыдын вот кокньöдъяс сетöмön да вот перьян торъя режимъясön вöдитчöмсö бурмöдöмön;

предпринимательскöй уджсö легализуйтöм, гражданаös предпринимательскöй уджö босьтчыны ышöдöмын отсалöм да уджсикас чöжös вылö вотön вöдитчан практика паськöдöмön неформальнöя уджалöмсö чинтöм вылö веськöдöм мераяс збыльмöдöмön, гражданаös «ас вылö уджалысьясön» пасйöм да найös экономикаö пыртöмön;

кредитно-гарантийнöй да лизингöвöй отсöглön финансöвöй ресурсъясön вöдитчыны позянлунъяс содтöмön;

социальнöй предприятиеяслы отсалöм, сы лыдын социальнöй проектъяс збыльмöдöм вылö грантъясön финансöвöй отсöг сетöмön;

том йöзлы предпринимательство збыльмöдöмын отсалöмön;

ИШП субъектыяслы индустриальнöй парк серти производственнöй площадьясö да жыръясö пырны позянлунсö лöсьöдöм серти уджсö водзö нуöдöмön;

Коми Республика мутасын Россия Федерациялön Арктика зонаса резидентъяслы организацияслön чöжös вылö вот серти, мый колö мынтыны республиканскöй сьöмкудйö, организацияслön эмбур вылö вот серти урчитöм вот кокньöдъяссö, а сідзжö ВПКС чинтöм вот ставкаяссö тöд вылö босьтöмön Коми Республика мутасын Россия Федерацияса Арктика зона сöвмöдöмön;

организацияслön чуктös вылö вот серти, кутшöмös колö вуджöдны республиканскöй сьöмкудйö, да организацияслön эмбур вылö вот серти урчитöм вот кокньöдъяссö тöд вылö босьтöмön Коми Республикаса öти нырвизя муниципальнöй юкөнъяслön мутасъясын лöсьöдöм водзынджык сöвмысь мутасъяс сöвмöдöмön;

торъя социальнöй категория гражданады, сы лыдын торъя военнöй операцияын участвуитысьяслы, транспорт вот серти вот кокньöдъяс водзö сетöмön;

Коми Республикаса олöмö пöртысь власът органъяслысь, Коми Республикаын муниципальнöй юкөнъяслön меставывса асвеськöдлан органъяслысь да федеральнöй олöмö пöртысь власът органъяслön Коми Республикаын мутас органъяслысь сьöмкудъясын чöжös öшмösъяссö бура администриуйтан да найös чукöртан тшупöдсö кыпöдан, вот база легализуйтан, недоимкаяс чинтан юкöнын öтув уджалан механизмъяссö бурмöдöм серти уджсö водзö нуöдöмön;

вот кокньöдъяслысь да чинтöм вот ставкаяслысь окталунсö донъялöм могысь Коми Республикаса вот рöскöд серти кураторьяскöд уджсö котыртöмön;

вот рёскодлөн окталун серти мониторинглысь да сійёс быдвоя донъялёмлысь бёртасьяссё тёд вылө босьтёмөн да вот кокньодьяс, кутшөмьяс вёсна артмө абу окталуна рёскод, стөчмөдөм (бырөдөм) да альтернативной отсалан мераяс пыртөм йылысь вот рёскод серти кураторьяслысь вөзйөмьяс видлалёмөн Коми Республикаса вот рёскодлысь окталунсö кыпөдөмөн;

сетөм вот кокньодьяс да преференцияс оптимизируйтөмөн.

Окталуна сьөмкуд политикасö кутасны збыльмөдны сы отсөгөн, мый:

1) веркуяласны рёскодсö сы могысь, медым быть:

збыльмөдны 309 №-а Индөд;

збыльмөдны сьөмкуд сфераын торья категория уджалысьяслы уджысь мынтысян тшупөд да Коми Республикаын шөркодь удждонлөн тшупөд костын воөдчөм лөсялёмлысь вежсьытөмлунсö могмөдөм серти Россия Федерацияса Президентлысь тшөктөмьяссö;

могмөдны Ылі Войвыв районьясын да накөд өткодялөм местаясын удждон дорö районной коэффициентсö да прөчента надбавкаяссö, уджысь мынтысьөм быд во индексируйтөмсö тёд вылө босьтёмөн МРОТ абу ичөтджык удждонсö;

кольны урчитөм социальнөя отсалан мераяссö да бурмөдны найөс водзö;

2) оптимизируйтасны муниципальной юкөнъясса олөмө пörтысь власьт органьясöс да меставывса асвеськөдлан органьясöс видзөм вылө рёскодсö:

Коми Республикаса канму власьт органьяс видзөм вылө рёскод лөсьөдан нормативö кутчысьөмөн, кутшөмөс урчитөма Россия Федерацияса Воськөдлан котырөн;

депутатьяслөн, меставывса асвеськөдлан бөрйөм чина йөзлөн, кодьяс пыр збыльмөдöны ассьыныс уджмогьяснысö штат подув вылын, да муниципальной служащöйяслөн, кодьяс уджалөн Коми Республикаын муниципальной районьясса, муниципальной кытшьясса, кар кытшьясса, Коми Республикаын кар (сикт) овмөдчөминьясса муниципальной юкөнъясын муниципальной служба чиньясын, уджысь мынтысьөм вылө рёскод лөсьөдан нормативьяссö Коми Республикаса Воськөдлан котырөн урчитөмөн;

3) оптимизируйтасны рёскодсö, кутшөмьяс йитчөмаөсь: закупкаяскөд, дзоньталөмьяскөд, командировка вылө рёскодкөд; 10 %-өдз чинтыны ашөрлуна, сьөмкуд учреждениеяслөн мукөд медшөр мог вылө субсидияс да мукөд рёскод, кутшөмьяс оз лоны медшөрөн; водзö нуөдны во джынйысь прөст вакансияс чинтөм серти удж;

4) бурмөдасны Коми Республикалөн канму да муниципальной могьяс вылө вузöс, уджьяс, услугаыс ньобан системасö, сы лыдын:

сьөмкуд процесскөд топыд йитөд подув вылын канму могьяс могмөдөмсö планируйтөмөн;

сьомкуд сьомсö окталуна видзöм да закупка объектяс опишитигöн торкаломьяслысь лыд чинтöм могысь конкурентной ногьясöн збыльмöдан став закупка серти Коми Республикаса заказчикьяслы поставщикьясöс (пöдрадчикьясöс, збыльмöдысьясöс) индöм вылö уджмогьясöс öтувтöмөн;

«электронной магазин» принципьяс подув вылын поставщикьясöс (пöдрадчикьясöс, збыльмöдысьясöс) индан практика паськöдöмөн ичöт йöрыша канму да муниципальной закупкаяслөн процесслысь тыдаланлун тшупöдсö кыпöдöмөн заявка-офертаяс закупкаясö пырöдчысьясöн водзвыв йöзöдöмөн да медичöт доньяса вöзйöмьяс на костысь öдийö бöрийыны позянлунöн;

öти и сийö жö прöдукция ньöбöмсö öтувтöм могысь поставщикьясöс индан öтувья процедураяс нуöдан практикасö паськöдöмөн;

закупкаяс серти удж збыльмöданногсö öткодялöмөн, ньöбан вузöс дорö типöвöй корöмьяс дасьтöмсö да вывті уна потребительской свойства закупкаяс киритöмсö пыртöмөн, закупкаяс сфераын öтувья юöртан системаын йöзöдöм вузöслөн, уджьяслөн, услугаяслөн каталоглысь позициясö опишитöмөн закупка йылысь юöрсö стандартизируютöмөн;

5) бурмодасны канму да муниципальной могьяс вылö вузöс, уджьяс, услугаяс ньöбан сфераын контрактной система йылысь Россия Федерацияса оланпастэчасö да мукöд нормативной инöда актö кутчысьöм бöрся контрольсö сийöс ведомство тшупöдын стандартизируютöмөн;

6) пöртасны олöмö сьомкуд сьомөн торья мог серти вöдитчан, налысь тыр-бурлунсö могмöдан, канму контрактьяс öтув збыльмöдысьяс лыдысь лёк поставщикьясöс чинтан, контрактьяс кырымалысьяслысь финансöвöй дисциплинасö РФ СК 242²⁶ статьяса нормаясöн вöдитчöмөн кыпöдан могьясöс, мыйöн урчитöма казнаысь сьомөн вöдитчöм нуöдöмсö, мый сетöны республиканской сьомкудйысь;

7) водзö нуöдасны помöдз стрöиттöм серти öтувья рöскöд ыдждасö чинтöм серти уджьясöс помöдз стрöиттöм объектяс серти, кутшöмьясöс сьомөн могмöдлöма республиканской сьомкуд сьом тшöт весьтö, помöдз вайöдтöм лэдзöм сьомөн öтувья рöскöдсö спишитöмөн, а сідзжö могмöдöны капитальной стрöитан объектьясöс ас кадö уджö пыртöмсö;

8) кыскасны дінму проектяс сьомөн öтув могмöдöм вылö федеральной сьомкудйысь субсидияяс республиканской сьомкуд позянлуньяс серти, кутшöмьяс эмöсь, а сідзжö босьтасны сьомкуд сьом лоöм могысь федеральной сьомкудйысь мукöд отсöг да веськöдасны найöс Коми Республикаöс социальной да экономика боксянь сöвмöдан мукöд верктуя нырвизь сьомөн могмöдöм вылö;

9) водзö вöдитчасны торья мога сьомкудкостса трансфертьясöс республиканской сьомкуд сьом босьтысьяслөн рöскöд серти сьом кöсйысьöмьясöс мынтöм могысь колана öтувья мындаын вуджöдан механизмöн сы могысь, медым чинтыны сьомкудкостса трансфертьяслөн видзтöм колясьяслысь ыдждасö;

10) сьомкудкостса трансфертьяс сетан да наөн вöдитчан окталунсö кыпöдöм могысь вöдитчасны Республиканской сьомкудйысь меставывса

сьомкудъясö субсидияс лöсьöдан, сетан да юклан правилöясöн, мый вынсьöдöма Коми Республикаса Вescкöдлан котырлөн 2019 во кöч тöлысь 6 лунся 422 №-а шуöмөн;

11) могмöдасны локтан финансöвöй во да планöвöй период выlö республиканскöй сьомкуд йылысь Коми Республикаса оланпасöн республиканскöй сьомкудйысь меставывса сьомкудъясö субсидияс юклöмсö вынсьöдöм йылысь сьомкуд оланпастэчаслысь корöмъяссö (конкурс серти юклан субсидияс, Коми Республикаса Вescкöдлан котырлөн резервнöй фонд тшöт весьтö меставывса сьомкудъяслы субсидияс да субсидияс кындзи, кутшöмъясöс сьомөн могмöдан öшмöсөн лöоны Россия Федерацияса Президентлөн да Россия Федерацияса Вescкöдлан котырлөн резервнöй фондяс тшöт весьтö сьомкудкостса трансфертьяс), кутчыясны меставывса сьомкудъяслы торъя мога сьомкудкостса трансфертьяс сетöм йылысь артмöдчöмъяс кырымалан медпозяна кадколастьясö;

12) муниципальнöй районъяслөн сьомкудъяслысь вот чöжöс чинöмсö бырöдöм могысь, сэк, кор муниципальнöй районö пырысь став овмöдчöминсö вежöны найöс выльысь артмöдан муниципальнöй кытшлөн муниципальнöй юкөнö öтувтöмөн, кыпöдасны 2025 во выlö да 2026 да 2027 воясся планöвöй период выlö республиканскöй сьомкуд йылысь оланпас балаын сетан дотацияслысь öтувья мындасö (торъя йöзлөн чöжöс выlö вот серти отчислениеяслөн ичöтджык мындаын нормативьяскöд йитöдын, кутшöмöс урчитöма муниципальнöй кытшьяслы);

13) водзö сöвмöдасны стратегическöя да сьомкуд планируйтан системасö:

уджтаса да торъя мога планируйтан сфераын нормативнöй инöда да методическöй базасö выльмöдöмөн да бурмöдöмөн, сы лыдын Россия Федерацияса канму уджтасьясöн вescкöдлöмсö ладмöдысь нормаяссö тöд выlö босьтöмөн;

Коми Республикаса канму уджтасьяссö стöчмöдöмөн, сы лыдын национальнöй проектяссö тöд выlö босьтöмөн налысь тэчассö стöчмöдöмөн, кутшöмъясöс збыльмöдны заводитасны 2025 вöсянь, медым воöдчыны национальнöй медшöр могъясöдз, торъя мога петкöдласьясöдз да збыльмöдны могъяс, кутшöмъясöс урчитöма «2030 воöдз период выlö да водзö 2036 воöдз Россия Федерациясö сöвмöдан национальнöй медшöр могъяс йылысь» Россия Федерацияса Президентлөн 2024 во ода-кора тöлысь 7 лунся 309 №-а Индöдөн;

федеральнöй тшупöдын уджтасьяс мониторингöд синхронизируйтны коланлунсö тöд выlö босьтöмөн «Электроннöй сьомкуд» системаын программнöй процессö став пырöдчысьлысь öтув уджалöмсö, а сідзжö канму уджтасьяслысь тэчас элементяс мониторинг процессö ладмöдöмөн;

14) кыпöдасны канму да муниципальнöй услугаыс сетан ногтуйсö: канму да муниципальнöй учреждениеыс оптимизируйтöмөн;

канму да муниципальной услугаея гражданаон босытан процессо «УМШ» КР КАУ Коми Республика мутасын 24/7 форматын услугаеяссö вежлалан концепция збыльмөдөмө пырөдчөмөн оптимизируйтөмөн;

15) могмөдасны «сьомкуд процессо гражданалон пырөдчан» принцип збыльмөдөмсö унджык гражданаос торьясьомкуд помшуомьяс видлалан да примитан, налон окталун да бөртаслун бөрся өтйөза контроль нуодан процедураеясьомкудчыны корөмөн:

а) сьомкудйын водзмөстчан практикаеяссö сөвмөдөмөн, сы лыдын:

«Россия Федерацияын меставывса асвеськөдлөмсö котыртан өтувья принципьяс йылысь» Федеральной оланпас серти водзмөстчан проектаяс збыльмөдөмын отсалөмөн;

«Войтырлөн сьомкуд» проект збыльмөдөмөн;

муниципальной районьяслы, муниципальной кытшыяслы, кар кытшыяслы «Войтырлөн сьомкуд» проекто пырөдчөмысь да «Войтырлөн сьомкуд» проект серти войтырлысь проектаяс збыльмөдөмысь грантаясөн ошкөмөн, кутшөмьясөс веськөдөны войтырлысь водзмөстчөмьяссь сөвмөдөм вылө;

депутатаясөн бөрийсысыяслысь тшөктөмьяссь збыльмөдөмөн;

б) олысыяслысь финансөвөй төдөмлун кыпөдан мероприятияея нуөдөмөн, сы лыдын Коми Республикаын финансөвөй төдөмлунлөн портал пыр олысыяслы юөртөмөн;

в) «Өтуввез» юөртан да телекоммуникация везйын «Гражданаы сьомкуд» юөртан брошюраея лөсьөдөмөн да публикуйтөмөн;

г) сьомкуд мыччөдьяслөн восьсалун юкөнын Коми Республикаын муниципальной юкөнъяссь доньялөмөн;

д) Коми Республикаса канму уджтаяс збыльмөданног да налысь окталунсö доньялөм йылысь वोся отчөтаяссь канму уджтаяссь кывкутөмөн збыльмөдысяслөн официальной сайтаясын йөзөдан практикасö водзö нуөдөмөн, а сідзжө олөмө пöртысь власыт органьяс бердын өтйөза советаяс дырйи найос кывзөмөн;

ж) «Өтуввез» юөртан да телекоммуникация везйын (сы лыдын «Электронной сьомкуд» системаын Россия Федерацияса сьомкуд системалөн өтувья порталын) республиканскөй сьомкуд лөсьөдөм да збыльмөдөм йылысь мыччөдьяссь да мукөд юөр, сьомкуд процесс збыльмөдөмкөд йитчөм юөр йөзөдөмөн да ас кадö выльмөдөмөн;

16) воөдчасны уджйөзын зумыдлун серти петкөдласьяслөн значениеясөдз, кутшөмьяс серти Коми Республика пырө шөркодь тшупөдысь абу улынджык уджйөзын зумыдлуна заём босытысясь лыдö, могмөдасны Коми Республикаса канму уджйөз ыдждалысь да сылөн тэчаслысь сьом овмөсын позянлуньяслы лөсялөмсö:

Коми Республикаса уджйөзлысь тэчассö диверсифицируйтөм серти удж нуөдөмөн, кутшөмөс веськөдөма канму уджйөз бырөдөм да сйөс могмөдөм серти өтувья мынтөмьяс өткодя юклөм вылө, медым эз ло республиканскөй сьомкуд вылө «вывті ыджыд» нагрузкаыс;

финансöвöй рынокын республиканскöй сьöмкудлы медводз кад да дон серти лöсялана условиеяс вылын босьтны позяна ресурсьяс бöрйöмөн.

Ортсыса финансöвöй личкöмьяс вылö окталуна вочакывйöн лоö 2025 – 2027 вояс вылö Коми Республикаса сьöмкуд да вот политикалысь могьяс збыльмöдöм, кутшöмьяс могмöдасны странаöс сöвмöдöмын выль национальной могьясöдз воöдчöмсö сэк, кор Коми Республикаса сьöмкуд система лоö зумыдöн.